

# «ՆՈՐ ԱՐԱՔԿԻՐ ՏԵՂԵԿԱՏՈՒ»-Ն ԱՄԵՐԻԿԱ, ՀԱՅ ԱՐԱՔԿԻՐ ՑԻՆԵՐԻ ՄԻՈՒԹԵԱՆ ՊԱՇՏՕՆԱԿԱՆ ԹԵՐԹ

## Մերի Սամուելի Անտիսեան

Երեւանի Արաքկիր վարչական շրջանը 100 տարեկան է, եւ Երեւան քաղաքի պատմութեան թանգարանը իրեն վերագրուած գործառոյթի շրջանակում նախատեսուած է տարեկան շուրջ 100 միլիոն Դոլարի քաղաքի առաջին աստիճանի հիմնադրման յորելանք: Դեռեւս տարեսկզբին ՀՀ Ազգային արխիւում մեկնարկած ուսումնասիրութիւնների արդիւնքում հաւաքագրուած նիւթը բաւական էր մեկ թեմատիկ ցուցահանդէս կազմակերպելու համար, որն առաւել ամբողջական դարձաւ ՀՀ Ազգային գրադարանում պահպանուող «Նոր Արաքկիր տեղեկատու» թերթի ուսումնասիրութեան արդիւնքում: Ամերիկայի Միացեալ Նահանգներում սաղմնաւորուած եւ Խորհրդային Հայաստանում ծնունդ առած արաքկիրցիների վերաբնակեցման գործընթացի մասին պատմող թերթը բովանդակային եւ զգայական տեսանկիւնից դարձաւ հայրենադարձ մեր ազգակիցների ապրումների, յոյզերի վաւերագիրը: Արժեւորելով նորագոյն պատմութեան այս կարեւոր շրջափոքի մասին պատմող «Նոր Արաքկիր տեղեկատու»-ի որպէս Հայաստան-սփիւռք համագործակցութեան օղակ կատարած առաքելութիւնը, հարկ ենք համարում առանձին ուսումնասիրութեամբ անդրադարձ կատարել թերթի գործունէութեանը:

Ուսումնասիրութեան նպատակն է Խորհրդային Հայաստանում արաքկիրցիների վերաբնակեցման եւ Նոր Արաքկիր ասանի կառուցման գործընթացները դիտարկել ըստ «Նոր Արաքկիր տեղեկատու» թերթում

տպագրուած նիւթերի: Խնդիր է դրուել «Նոր Արաքկիր տեղեկատու» թերթի օրինակով ցոյց տալ 1925թ. Խորհրդային Հայաստանում մեկնարկած արաքկիրցիների հայրենադարձութեան թեմայի ուսումնասիրութեան համար մամուլի գործունէութեան դերն ու կարեւորութիւնը: Թերթում տպագրուած նիւթերի միջոցով երեւան հանել 1920-ականներին Մայր Հայաստանում քաղաքական, պատմական, մշակութային տրամադրութիւնները, որոնց ներքոյ խմորում էր հայրենադարձների վերաբնակեցման գործընթացը: Ուշադրութեան է արժանի նաեւ տեղեկատուի փոխանցած ազգագրական, բանահիւսական հսկայածաւալ նիւթը, ինչը թոյլ է տալիս ընդգծել արաքկիրցիների մշակութային առանձնայատկութիւնները կապուած կենցաղավարման, ազգային հագուստի, ծիսատօնական համակարգի մասին:

Թեմայի ուսումնասիրութեան համար հիմք են հանդիսացել ՀՀ Ազգային գրադարանում պահպանուող «Նոր Արաքկիր տեղեկատու» թերթի 1925-1983թթ. տպագրուած համարները:

1925թ. մայիսի 29-ին Նոր Արաքկիր ասանի հիմնադրեքով Խորհրդային Հայաստանում մեկնարկեց գաղութահայրենական եւ մայր Հայաստանի միասնականութեան ու համագործակցութեան արդիւնքում ձեւաւորուած մի գործընթաց, որը յետագայում ստացաւ «Դէպի հայրենիք շարժում»<sup>1</sup> ձեւակերպումը: Ըստ էութեան գա-

1 Նոր Արաքկիր տեղեկատու, ԻԱ տարի, դեկտեմբեր, թ.28, Նիւ Եորք, 1946 թ., էջ 583:

դուժահայութեան վերաբնակեցումը Խորհրդային Հայաստանում միայն քաղաքական գործընթաց էր, այլ հասուն գիտակցութեամբ եւ ազգային գաղափարախօսութեան յենքով ձեւաւորուած շարժում, որն իրական պատնէշ դարձաւ գաղութահայութեան պատմութեան ու մշակոյթի ձուլման վտանգի դէմ: Այսօր, արդէն անկախ Հայաստանի մայրաքաղաք Երեւանի Հիւսիսային մասում է գտնուում Արաբկիր վարչական շրջանը, որի հարիւրամեակին էլ նուիրուած է սոյն ուսումնասիրութիւնը: Նոր Արաբկիր ավանի հիմնադրեքին զուգահեռ տեղի ունեցաւ մեկ այլ կարեւոր իրադարձութիւն՝ «Նոր Արաբկիր տեղեկատու» թերթի հրատարակումը: Անհրաժեշտութիւն կար ստեղծել աշխարհասփիւռ արաբկիրցիներին հասու տեղեկատուական մի հարթակ, որի միջոցով հասարակութեան լայն շերտերի իրազեկումը առաւել համակարգուած կը դարձնէր հայրենիք վերադարձի շարժումը:

Թերթի առաջին համարը լոյս է տեսել 1925թ. դեկտեմբերին Նիւ Եորքում Ամերիկահայ արաբկիրցիների միութեան նախաձեռնութեամբ<sup>2</sup>: Տեղեկատուն դարձաւ Արաբկիրի միութեան պաշտօնական թերթը, որի առաջին համարում<sup>3</sup>, խմբագրութեան հրատարակուած խօսքից տեղեկանում ենք, որ այն որեւէ նիւթական շահոյթ չի հետապնդել եւ ստեղծուել է բացառապէս Ամերիկայում եւ այլ գաղութներում ապրող արաբկիրցիներին «Նոր Արաբկիր» նախաձեռնութեան աշխատանքների մասին ի-

րազեկելու նպատակով, իսկ հրատարակութեան ծախսերի համար խմբագրակազմը ընդունել է հանգանակութիւններ, ինչի մասին թերթի իւրաքանրիւր համարում հաշուետու է եղել իր ընթերցողներին: Թերթի առաջին խմբագիրը Նշան Էժտահարեանն էր:<sup>4</sup> Իր շուրջ յիսունհինգ տարիների գոյութեան ընթացքում, թերթը տպագրուել է Միութեան նստավայրերում Նիւ Եորքում, Բոստոնում, Ֆիլադելֆիայում, Ուոթերթաունում, Փենսիլուանիայի որոշ քաղաքներում: Տարբեր բաժիններից բաղկացած թերթը տեղեկութիւններ է փոխանցում Նոր Արաբկիր ավանի շինարարութեան ընթացքի, միութեան պատգամաւորական ժողովների արձանագրութիւնների, Ամերիկայում արաբկիրցիների միութեան գործունէութեան, Խորհրդային Հայաստան այցելած սփիւռքահայ գործիչների տպաւորութիւնների, Գաղթավայրերում եւ Խորհրդային Հայաստանում վերաբնակեցուած արաբկիրցիների կեանքի եւ կենցաղի մասին: Թերթի անցած ճանապարհը հարթ չի եղել: 1951 թ. 37-րդ համարում նշանաւորելով տեղեկատուի գոյութեան քառորդ դարը, խմբագրակազմն արձանագրում է, որ տեղեկատուի ստեղծումը սպասուած ոգեւորութեամբ չի ընդունուել: Որոշ շրջանակներ նոյնիսկ թերթի ստեղծման համար արուող ծախսերը որակել են նիւթական միջոցների մսխում: Քիչ չեն եղել նաեւ հրատարակութիւնների համար անհրաժեշտ ֆինանսական եւ տեխնիկական պայմանների սղութիւնը, որի ապահովումը իրականացուած էր խմբագրակազմի

2 Ամերիկայի արաբկիրցիների միութիւնը ձևաւորուել է Ֆիլադելֆիայում 1900-ական թուականներին՝ որպէս որբայնամ, յետոյ՝ ուսումնասիրաց եւ վերաշինաց նպատակներով: Միայն 1922-ին այն անուանակոչուեց Ամերիկահայ արաբկիրցիների միութիւն: 1923թ. մայիսի 27-30ը տեղի ունեցած պատգամաւորական արտահերթ ժողովը հաստատեց Ամերիկահայ արաբկիրցիների միութեան ձևաւորումը, որի նպատակն էր նիւթապէս եւ բարոյապէս օգնել Արաբկիրի հայոց կրթական

գործին եւ Արաբկիրում ապրող կամ գաղթական հայրենակիցներին:

3 Նոր Արաբկիր տեղեկատու, Ա տարի, դեկտեմբեր, թ.1, էջ2:

4 Ա. Փոլատեան, Պատմութիւն հայոց Արաբկիրի, Նիւ Եորք, 1969, էջ 880:

յամառ աշխատանքի արդիւնքում: Չնայած կատարուած հետեւողական աշխատանքին, այնուամենայնիւ տեղեկատուի 1974 թ. 80-րդ համարում տպագրուած միութեան կենտրոնական վարչութեան յայտարարութիւնից պարզուում է, որ 1973 թ. համարը լոյս չի տեսել թղթի եւ այլ անհրաժեշտ միջոցների սղութեան պատճառով: Չի ուշանում պատգամաւորական 47-րդ համագումարի արձանագրութիւնը, որի մէջ յիշատակուում է թերթի հրատարակութեան շարունակականութիւնը յանձն առած նոր կազմակերպութեան մասին:<sup>5</sup> Վերսկսուող հրատարակութեան լուրը եւ հերթական տպագրուած համարները մեծ ոգեւորութեան ալիք են բարձրացնում: Խմբագրութիւնը ստանում է հարիւրաւոր նամակներ, շնորհակալագրեր, երախտիքի խօսքեր, որոնք տպագրուում են տեղեկատուի յաջորդ համարներում:<sup>6</sup> Խմբագրութեան ստացած նամակներում շեշտուում է «Նոր Արաքիւր տեղեկատու»ի գոյութեան կարեւորութիւնը մասնաւորապէս այն համարելով հայրենիք - սփիւռք կապը ջերմացնող կարեւոր շղթայ: «...Ան կը շողկապէ մեզ մեր նոր հայրենի աշխարհին, ինչպէս նաեւ կը յիշեցնէ մեզի մեր նախկին հայրենիքը եւ հոն ապրող անբախտ հայրենակիցները...: ...Նոյնքան հետաքրքրական է «Տեղեկատու»ի բովանդակութիւնը. արաքիւրցի հայրենակիցներու հին եւ նոր կեանքէն գրութիւններ եւ տեղեկութիւններ գործունէութեանց մասին, ըլլայ սփիւռքի մէջ, ըլլայ Սովետական Հայաստանի մէջ: «Տեղեկատու»ն պէտք է քաջալերուի նուիրատուութիւններով եւ գործնական աջակցութեամբ» ասուում է նամակագիրների շնորհաւորանքի խօսքում: Յետագայում միջոցների խնայողութեան նպատակով որոշում է կայացուում թերթը հրատարակել տարին մեկ անգամ միացեալ հրատարակութեամբ:

Այսօր ՀՀ Ազգային գրադարանում պահպանուում եւ ուսումնասիրութեան համար հասանելի են 1925-1983թթ. թուագրուած «Նոր Արաքիւր տեղեկատու» թերթի համարները:

Ցատկապէս խորհրդանշական է թերթի առաջին համարում տպագրուած ամերիկահայ արաքիւրցիների միութեան կողմից Երեւան ուղարկուած երկու անդամների՝ Մկրտիչ Ղազիկեանի եւ Միսակ Վարդանեանի հեռագիրը կառուցուելիք աւանի թամանեանական յատակագիծը եւ Հայաստանի կառավարութեան հետ կնքուած պայմանագրի գլխաւոր կէտերը, ըստ որի Երեւանի, Քանաքեռի, Հրազդան գետի եւ Գետառի միջեւ գտնուող տարածութիւնից 610 դեքետտին հողամաս պէտք է յատկացուի Ամերիկայի արաքիւրցիների միութեանը «Նոր Արաքիւր» անունով քաղաք հիմնելու համար, իսկ միութիւնը իր հերթին պարտաւորուում է քաղաքի կառուցումը իրականացնել Ալեքսանդր Թամանեանի յատակագծով պահպանելով Երեւան քաղաքի յատակագծի սահմանները: Պայմանագրի յաջորդ կէտերով ամրագրուում է նաեւ, որ Նոր Արաքիւրում վերանակեցուած գաղթականները (բացի իրենց միջոցներով Հայաստան եկածներից) երեք տարով պէտք է ազատուեն բոլոր հարկերից եւ տուրքերից, իսկ բնակիչների մասին կայացուելիք որոշումները պէտք է լինէին Ամերիկայում արաքիւրցիների միութեան համաձայնութեամբ: Երեւանի քաղաքային գործադիր կոմիտէի եւ միութեան վերը յիշատակուած անդամների կողմից վաւերացուած այս պայմանագիրը հաւանութեան է արժանանում նաեւ Ամերիկահայ արաքիւրների միութեան կողմից եւ որոշում է կայացուում առաջինը հայրենիք ուղարկել առաւել կարիքաւորներին՝ հոգալով նրանց

5 Նոր Արաքիւր տեղեկատու, 49 տարի, մայիս 1974, թ.80, վաթերթաւում, էջ2:

6 Նոր Արաքիւր տեղեկատու, 52տարի, մայիս 1977, թ.83, Նիւթաւում, էջ 12-13:

ճանապարհածախսը: Թերթի առաջին համարի հրատարակութիւնը տարագիր արարկիրցիների համար դարձաւ աւետիս եւ հայրենիք վերագարձի յոյս: «Նոր Արաբկիր տեղեկատու»-ի նիւթերը Խորհրդային Հայաստանում Նոր Արաբկիրի կառուցման եւ գաղթականութեան վերաբնակեցման մասին այնքան ոգեւորիչ էին, որ արձագանք գտան աշխարհի տարբեր ծայրերում տպագրուող հայկական թերթերում: Յետագայում «Նոր Արաբկիր տեղեկատու»-ն «Մամուլի կարծիքները մեր ձեռնարկի մասին» գլխագրի ներքոյ սկսեց հրատարակել «Նոր Արաբկիր» նախաձեռնութեան մասին մամուլի արձագանքները: Այսպիսին էր Փարիզում տպագրուող «Երեւան» եւօրեայ թերթի անդրադարձը. «վերին աստիճանի քաջալերական է Նոր Արաբկիրի օրինակը: Ահա գործ մը եւ ստացուած դրական արդիւնք մը, որ որպէս օրինակ կրնայ ծառայել մնացած Հայրենակցական միութիւններու»: Իսկ Աթէնքի «Արձագանք»ը, որպէս յաղթանակ որակելով արաբկիրցիների հայրենիք վերագառնալու կամքը, գրել է «... գորաւոր կամքը յաղթանակեց. Հպարտ է Արաբկիրի Հայրենակցականը կը Հպարտանայ եւ կը գնահատէ նաեւ գաղութահայ աշխատաւորութիւնը գերազանցապէս այս վերաշինական աշխատանքները մեր երկրին մէջ իրականացնելուն առթիւ»<sup>7</sup>:

Նորակառոյց աւանի հիմնադրման տարելիցներին նուիրուած տեղեկատուի հրատարակութիւնները կատարուած աշխատանքների եւ ապագայի ծրագրերի իւրատիպ հաշուետուութիւններ են յիշեցնում: Այդպիսին է տեղեկատուի 1945թ. 26-րդ համարը՝ նուիրուած Նոր Արաբկիրի հիմնադրման 20-ամեակին եւ Հայաստանում Խորհրդային կարգերի հաստատման 25-ամեա-

կաին: Յոբելեանական այս համարի տիտղոսաթերթի ձեւաւորման հեղինակը թերթի առաջին խմբագիր եւ Ամերիկահայ արաբկիրցիների միութեան անդամ Նշան Էժտահարեանն էր: Այս համարի «Վերատպումներ երեկէն» խորագրի ներքոյ տպագրուած նիւթը վերյուշ է Նոր Արաբկիրի հանդիսաւոր հիմնադրեքի՝ զուգորդուած Խորհրդային Հայաստանին ուղղուած երախտիքի խօսքով: Իսկ որպէս 20 տարիների արուած աշխատանքի ամփոփում թերթն արձանագրում է. «Երեւանից վերեւ, ընդարձակ ու ամայի մի տեղ հիմք դրուեց Նոր Արաբկիրը: Արծաթէ տախտակի վրայ գրուեց հիմնադրման պատմութիւնն ու առաջին հիմնաքարերի հետ տեղադրուեց կառուցուող առաջին շէնքի դեղատան պատին: Եւ ահա 1927թ. սկսուեց ներգաղթը: Աստիճանաբար կառուցուեցին բնակելի տներ, մսուր-մանկապարտէզ, բուժկէտ, «Արաբկիր» արտելի կորպուսները, ջրմուղ, կամուրջ, Արաբկիրը Երեւանին միացնող խճուղի: Հիմա հիմնադրման 20-րդ տարում, Արաբկիրն ունի 20 000 բնակչութիւն, որից 3000-ը բնիկ արաբկիրցիներ են»<sup>8</sup>: Կրկնակի յոբելեանական էր նաեւ 1950թ. 35-րդ համարը՝ նուիրուած միութեան 50-րդ եւ Նոր Արաբկիրի 25-ամեակներին, որտեղ միութեան գլխաւոր վարչութեան կողմից տպագրուած յօդուածը յետահայեաց անդրադարձ է միութեան 25 տարի առաջ կայացրած որոշման, որում սսւում է. «Այսօր, աւելի քան երէկ համոզուած ենք, որ մեր 25 տարի առաջ արած քայլը, որ շատ յանդուգն էր թւում, ճիշտ էր, որի համար մենք շատ ուրախ ենք եւ Հպարտ: Որի մասին պէտք է յիշուի եւ խօսուի դարեդար, որի մասին արաբկիրցիներ պիտի պատմի իր զաւակներին, թոռներին, թոռան թոռներին»<sup>9</sup>: Այս համարում տպագրուած ֆրան-

7 Նոր Արաբկիր տեղեկատու, Գ տարի, օգոստոս, թ. 7, Նիւ Եորք, 1929, էջ 102:

8 Նոր Արաբկիր տեղեկատու, Ի տարի, Աոյնմբեր, Բ. 26, Նիւ Եորք, 1945, էջ 505:

9 Նոր Արաբկիր տեղեկատու, ԻԶ տարի, դեկտեմբեր, Բ. 35, 1950, Ուոթերթաուն, էջ 1005:

սահայ մեկ այլ գաղթականի յուշերից տեղեկանում ենք, որ Արաքկիրն ընդարձակում է, արդէն ունի 6000 բնակիչ: Մանուածքի եւ հիւսուածքեղէնի արհեստը մեծ թափով զարգանում է, եւ Նոր Արաքկիրը 25 տարուայ ընթացքում երկու անգամ աւելի բազմամարդ է դարձել, քան Հին Արաքկիրն էր: Ֆրանսահայ գաղթականների առաջին խումբը Խորհրդային Հայաստան եկաւ 1936 թ., որի մասին պատմող տեղեկատուի 1936 թ. 22-րդ համարում տպագրուած յօդուածում պատկերաւոր ներկայացուած են Հայրենիք վերադարձող ֆրանսահայերի ոգեւորութիւնն ու յոյզերը, որ տօնական շունչ էին հաղորդել Մարսելին: Ներգաղթեալներին տեղափոխող «Սինայիա» շոգենաւի վրայ ծածանւում էր «Վիւ լա Ֆրանս, Վիւ լարմենի Սովէթիք» գրութեամբ պոստերը, Ֆրանսիական եռագոյնը եւ մուրճի եւ մանգաղի պատկերով կարմիր դրօշը: 1800 Հոգուց բաղկացած ֆրանսահայ ներգաղթեալների առաջին խմբի մուտքը Խորհրդային Հայաստան նշանաւորուեց մի կարեւոր իրադարձութեամբ եւս, նրանք իրենց հետ նոյն շոգենաւով Հայրենիք տեղափոխեցին Հայ երաժշտական մշակոյթի երախտաւոր Կոմիտասի աճիւնը:<sup>10</sup> Նոր Արաքկիր աւանի հիմնադրման 40-ամեակին նուիրուած տեղեկատուի 1965 թ. 65/66-րդ համարում լոյս տեսած «Փառապանծ 40 տարի», «Նոր Արաքկիրի 40 տարին», «Բոցավառ ողջոյներ Նոր Արաքկիրի 40-ամեակին» վերտառութեամբ յօդուածները պատմում են Խորհրդային Հայաստանում եւ միութեան նստավայրերում անցկացուած տօնական միջոցառումների մասին: Նոր Արաքկիրի 40-ամեակը տօնուեց աննախադէպ շքեղութեամբ: Յատուկ օրուայ առթիւ ձեւաւորուեց յորելեանական յանձնաժողով: Երեւանում միջոցառումների մեկնարկը տրուեց Նոր Արաքկիրի Ալիւմինի գործարանի մշակութային

պալատի ընդարձակ սրահում պետական եւ մշակութային գործիչների ելոյթներով: Հայրենական մամուլը առաջին Հայրենաշէն աւանի 40-ամեակին նուիրուած անդրադարձերում Նոր Արաքկիրի կառուցումը որակեց Հայաստանի նորագոյն պատմութեան խորհրդանշական էջերից մեկը: «Հայրենիքի ձայն»-ի տեղեկատուի 1965-1966թթ. 65/66-րդ համարում վերատպուած յօդուածում Նոր Արաքկիրի 40-ամեակը մեկնաբանուած է որպէս Հայ ժողովրդի դարաւոր պատմութեան համար աննախընթաց մի երեւոյթ ազգահաւաքի սկիզբ, որի առաջամարտիկները դարձան արաքկիրցիները:<sup>11</sup> Ուշագրաւ է տեղեկատուի այս համարում տպագրուած Վազգէն Ա. Կաթողիկոսի կոնդակը յղուած Ամերիկայում Արաքկիրցիների միութեանը, որում շնորհակալութիւն է յայտնում Մայր Աթոռի տպարանին կատարած 10.000 դոլար հանգանակութեան համար եւ նշում, որ Հայոց Հայրապետը միշտ աղօթում է միութեան Հայրենանուէր գործերի համար: Այս համարում «մրցանակաւոր բանաստեղծին ազնիւ արարքը» վերտառութեամբ մի շատ հետաքրքիր բովանդակութեամբ յօդուած կայ, որ պատմում է Թեքէեան վարժարանին ծագումով արաքկիրցի, բանաստեղծ, հրապարակախօս, թարգմանիչ Վահագն Դաւթեանի գրական մրցանակի համար ստացած 375լ.ոյ. Հոնորարի նուիրութեան մասին: Յօդուածում լոյս է տեսել Վահագն Դաւթեանի Գերսամ Ահարոնեանին ուղղուած նամակը, որտեղ ընդգծելով Թեքէեան մշակութային միութեան կողմից վարժարանի նոր շէնք կառուցելու նախաձեռնութիւնը բանաստեղծն ասում է. «...Լսել եմ, որ Թեքէեան մշակութային միութիւնը դպրոցական նոր շէնք է կառուցում, եւ եթէ չեմ սխալւում, այդ կապակցութեամբ Հանգանակութիւն է կազմակերպւում: Շատ

10 Նոր Արաքկիր տեղեկատու, Զ տարի, սպրիլ, Բ.11, 1936, Նիւ Եորք, էջ 171-173:

11 Նոր Արաքկիր տեղեկատու, 1965-1966 դեկտեմբեր-մայիս, Թ. 65/66, էջ 11:

եմ խնդրում յայտնել մրցանակաբաշխութեան յանձնաժողովին, որպէսզի մրցանակով ինձ տրուելիք դրամական պարգևը յատկացնի վերոյիշեալ դպրոցի շինարարական ծախսերին: Կարծում եմ, որ այդ դրամը առաւել օգտակար նպատակի ծառայել չի կարող: Թող դա էլ իմ մասնակցութիւնը լինի ձեր Հայրենասիրական վեճակ դործին...»: Բահաստեղծի այս քայլը որակուեց Նոր Արաբկիրի 40-ամեակի առթիւ:

Երբ 1927-1928 թթ. Խորհրդային Հայաստանը ընդունում է քաղթականների առաջին խմբին, որոնց Խորհրդային Հայաստանում «Հայրենազարձ» էին անուանում, (250Հոգի կամ 68 ընտանիք)<sup>12</sup> եւ փաստացի սկսում է վերաբնակեցման գործընթացը, Թերթի տեղեկատուական դաշտը ընդլայնւում է: Հերթական Համարներում տպագրւում են առաջին վերաբնակեցուածների տպաւորութիւնները, մանրամասն նկարագրւում են բնակարանային պայմանները, արաբկիրցիների առօրեան, տնտեսական զբաղմունքները: Ըստ Թերթի փոխանցած տեղեկութիւնների բնակարանների գնուակշիռ մասը հրկայտիկանի էին, քարաշէն, պրպից եւ ներսից սպիտակ ծեփով պատուած: Տեղեկատուում տպագրւած «Ականասեփ վկայութիւններ Նոր Արաբկիրի մասին» շարքը բաւականին մանրամասն նկարագրում է Նոր Արաբկիրի ընտանեկան կենցաղը, որից տեղեկանում ենք, որ բնակարանները կոիկի էին, մաքուր, յարգարուած տնհրաժեշտ կենցաղային պարագաներով երկաթե մահճակալներ, ծածկոցով ծածկուած բրդէ անկողին, օժիտի սունգուկ, փայտէ մի քանի աւօթ խոհանոցում, լուածքի ջուրը տաքացնելու Համար նախատեսուած պղնձ կաթնայւ եւ այլն:<sup>13</sup> Հոգեկան անդորրը վերադասած արաբկիրցիին Հիւլասէր ու մարդամօտ

էր եւ իր տուն մտած Հիւրին առանց ստոր թան եւ տնամերձում անցքքած վարունգ հիւրասիրելու հրաժեշտ չէր տալիս, իսկ յատուկ առիթներին արաբկիրցիների սեղանը զարգարում էին չորացրած թուփն ու նուշով զարգարուն պատտեղը: Վերաբնակեցուած արաբկիրցիների արհեստների մասին խօսելիս տեղեկատուի 1928 թ. առաջին Համարում<sup>14</sup> Հետաքրքրական այն է, որ Թոնրում Հաց թխելը եւ այն վաճառելը ներկայացւում է որպէս արհեստ եւ նկարագրւում է Հետեւեալ կերպ. «...արաբկիրցիների մի փոքր խումբ Երեւանում բնորել էին մի քանի թաղեր եւ Թոնրի Հաց էին վաճառում: Ժամանակի ընթացքում գործն այնպէս է կանոնակարգւում, որ վերածւում է արհեստի»:

Նոր Արաբկիրը զնայով զեղեցկանում եւ առաւել բարեկեցիկ պայմաններ էին ստեղծւում բնակչութեան Հումար: Յուսուածքեղէնի արտելի վարչութեան նախագահ տիկին Մարի Խերբեկեանի 1957 թ. 48-րդ Համարում տպագրւած յուշերում նշում է, որ Արաբկիրն ունի տնամերձ պարտէզներով 5000 ից աւելի բնակելի տուն եւ պլանաւորած փողոցներ: 25.000 պատանիներ եւ աղջիկներ սովորում են ցերեկային եւ գիշերային դպրոցներում: Արաբկիրում են գործում Կանազի, Քանաքեփ էլեկտրակայանի, էլեկտրումայրի, Ժամացոյցի, ամանեղէնի, կահոյքի եւ Գինու գործարանները, իսկ արտելները Արաբկիրի «Գործուածքային», կոշիկի «Հայրենիք» 2էյթուների Արագած», ինչպէս նաեւ կահոյքի, կոճակի արտելները: Արաբկիրը կապուած է Երեւանի Հետ էլեկտրաքարշով, արդիբուսներով, աւտոբուսով, որոնց միջոցով 10-15 րոպէի ընթացքում կարելի է Հասնել քաղաք: Այժմ արաբկիրցու ապրելակերպը

12 Նոր Արաբկիր տեղեկատու. A տարի, յուլիս, Բ.1, 1928, Նիւ Եորք, էջ 3,4:  
 13 Նոր Արաբկիր, Ի տարի, Արեւմտ, Բ. 26, 1926-1954թթ., Նիւ Եորք, էջ505:

14 Նոր Արաբկիր, Ա տարի, Ի տարի, Բ. 1, 1928, Նիւ Եորք, էջ 6-7:

եւ մտաւոր զարգացումովն ընդհանրապէս այլ մակարդակի վրայ է: Նշուց է նաեւ, որ ընկալարանները աւելի յազեցումած են դարձել անհրաժեշտ կանգնարարներով, գրեթէ բոլոր տներում ռադիօընդունիչներ կան եւ հեռախօսներ, ոմանց ընկալարաններում նաեւ հեռուստացոյցներ:<sup>15</sup> Իսկ 1985թ. 50,51-րդ Համարներում «Արաքիւր եւ իր բարքերը» գլխաւորի ներքոյ տպագրուած նիւթը արարկիրացիների ժողովրդական Հաւատալիքների մասին Հետաքրքիր մանրամասներ է Հաղորդում, որոնք իրենց զբաւեւորումներն էին գտնում տոների շրջանակում: Ըստ տեղեկատուի փոխանցած նիւթի, տեղեկանում ենք, որ արարկիրացիները տոնում էին ազգային տոնացոյցի գրեթէ բոլոր տոները, իհարկէ իրենց յատուկ որոշ առանձնայատկութիւններով:

Տօնածիսական այս ակնարկում նկարագրուած է սպասքի կիրառական մի շատ Հետաքրքիր առանձնայատկութիւն, հերժեմ պահէին ընդառաջ պղնձէ կաթնասնորի մէջ հոացող մոխրալիւրի մէջ խոհանոցային սպասքը լուացել են իւզից եւ կերակուրների հոտից ազատուելու նպատակով: Լուուցել են նաեւ սպասքի Համար նախատեսուած արքիչները, որոնք «գէհնէ» են կոչուել:<sup>16</sup> Հետաքրքիր է նաեւ Տնտնընդառաջին մօմերով զարգարուած սեզանի կենտրոնում պղնձէ պնակի մէջ բամբակի վրայ սպիրտ լցնելու եւ այրելու սովորոյթը, որը կապուած է քրիստոնէութեան ընդունելութեան եւ մեղքերի քաւութեան հետ: Ննջեցեալների հոգիների մեղքերի քաւութեան Համար Տնտնընդառաջի կէսգիշերին տանիքների վրայ ձողերին կապած կաշուէ լաթի որ այրումը եւ «մեռուոց – մեռելոց» վանկարկումները նոյնպէս արարկիրացիներէ ժողովրդական Հաւատալիքների մաս են կազմել: Տեղեկատուի էջերից տեղե-

կանում ենք նաեւ Մաղկազարդին հեթանոսական սովորոյթների հիմքով տօնուող, գարնան զարթօնքը խորհրդանշող «խփկի»<sup>17</sup> Հանդէսէի մասին, որի ժամանակ կայեկած կոնքերի մէջ երիտասարդները խակ պտուղներ եւ մետաղադրամներ են լցրել, այնուհետեւ կոնքերի շուրջը երգել, պարել, ուրախացել եւ եթէ Հակառակ սեռի երիտասարդներին պատկանող կոնքերէ մետաղադրամները մօտեցել են իրար, Հաւատացել են, որ կ'ամուսնանան եւ երջանիկ կը լինեն: «Արարկիւր եւ իր բարքերը» գլխաւորի ներքոյ տեղեկատուն ներկայացնում է նաեւ արարկիրացիների բարբառային բառարանի Հատուածներ: Բացի Հասարակական կենցաղի նկարագրութիւնից, թերթի 1958թ. 50-րդ եւ 1965թ. 65/66-րդ Համարներում տպագրուած նիւթը փաստում է, որ Ամերիկայում արարկիրացիների միութիւնը կարեւորելով արարկիրացիների նիւթական մշակոյթի պահպանութեան եւ Հանրահաշակման գործը սերտ Համագործակցել է Հայաստանի պետական պատմական, այժմ Հայաստանի պատմութեան թանգարանի հետ՝ նրան ի պահ յանձնելով «Նոր Արարկիւր տեղեկատու» տպագրուած Համարները, ինչպէս նաեւ արարկիրացիների կենցաղի ու մշակոյթի մասին պատմող ազգագրական իրերի մօծ հաւաքածու: Հետաքրքիր է թերթում տպագրուած թանգարանի տնօրէն Կարօ Ղափազարեանի եւ թանգարանի գրադարանի վարիչ Թերեզա Ղազարեանի 1958թ. մարտի 5-ին միութեան Նիւ Եորքի մասնաճիւղի քարտուղար Արմենակ Անեմանիի ուղղուած նամակը, որի միջոցով թանգարանը շնորհակալութիւն է յայտնում Ամերիկայի արարկիրացիների միութեանը եւ տեղեկացնում, որ թերթի Համարները գրանցուել են թանգարանի գրադարանի գրացուցակում: Իսկ թանգարանի գիտաշխատող Նազիկ Աւագեանի միութեան

15 Նոր Արարկիւր տեղեկատու, ք. 48, 1957 էջ 1703-1709

16 Նոր Արարկիւր տեղեկատու, ք. 50,51 էջ 17 խակ թուրք

նուիրատուութեանը անդրադարձած յօդուածում մանրամասն նկարագրուած է մանուշակագոյն, թաւշէ, ոսկեթել ասեղնագործութեամբ կիսաճտքաւոր բարձրակրունկ կօշիկները եւ ազգային հագուստը, բրդէ գունաւոր թելերից գործուած Արաբկիրում յայտնի դերձակ Գեւորգ Ճիներճեանի կողմից գործուած գօտին, 19-րդ դարով Քուսպուզ Կախուտած պղնձագործներ Ջորեպանեանների պատրաստած պղնձէ գաւաթները, թասերը, ափսէները:

Պատմական Արաբկիր գաւառը իր Համանուն քաղաք կենտրոնով գտնուել է Արեւմտեան Հայաստանի Խարբերդի գաւառի հիւսիսային, Սեբաստիայի գաւառի հարաւարեւելեան եւ Երզնկայի գաւառի հարաւարեւմտեան մասում<sup>18</sup>, որտեղ հայերը, որպէս էթնիկ միաւոր իրենց թուաքանակով գերակշիռ են եղել, մինչեւ թուրք եւ քուրդ խուժանի կողմից անընդհատ շարունակուող ջարդի, թալանի, կրօնափոխութեան, ինչի տրամաբանական շարունակութիւնը դարձաւ 1915 թ. Մեծ եղեռնը: Արաբկիրի հայութեան ջարդերի մասին վկայութիւնները պատմում են. «... Արաբկիրի կեանքը էսպէս օր մը պաղ, օր մը տաք կ'ընթանար երբ արդէն կը թեւակոխենք 1893-1894 տարեշրջանները: Կը սկսին լսուիլ կոտորածի շուկները՝ Սասունէն, Վանէն: Շատ չանցած սասունցի մաս մը գաղթականներ Արաբկիր հասան: Նրանք պատմեցին ահաւոր կոտորածին մանրամասնութիւնները՝ մանուկներու ողջ — ողջ այրուիլը, հորերուն մէջ լեցուիլը: Անոնք արաբկիրցիներուն անհաւատալի կը թուէին մինչեւ եկաւ 1895 թուականը. հոկտեմբերի 25-ին Արաբկիրի ջարդը սկսաւ...»<sup>19</sup>: Արաբկիրի ջարդերը լայն արձագանք գտան: Ականատեսների պատմութիւններն ու նամակները

թարգմանուեցին օտար լեզուներով, որպէսզի աւելի լայն մասսաներին իրազեկեն կատարուածի մասին: Նեւշատելի Շուէյցարիայի օգնութեան կոմիտէի 1897թ. հայերի օգտին կատարուած աշխատանքների մասին յայտարարութեան մէջ ասուած է, որ ջարդերին յաջորդած ձմեռը յատկապէս դաժան է եղել ողջ մնացածների համար, որոնք կենտրոնացել են մի քանի կանգուն մնացած տների մէջ: Մենդի, անկողնու պակասութիւնը, տիֆի համաճարակը եւս ջարդերից փրկուած 500 արաբկիրցու կեանք են խլել, եւ ըստ Շուէյցարիայի օգնութեան կոմիտէի փոխանցած տեղեկութեան, Արաբկիրում պատկերն այսպիսին էր. 1425 այրուած տուն, 664 կանգուն տուն, 1171 հոգի սպանուած, 1137 այրի կին, 1843 որբ:<sup>20</sup> 1915թ. ապրիլին Արաբկիրի հայութիւնը կրկին խաղաղ օրեր չապրեց: Կառավարութիւնը սկսեց երիտասարդ տղամարդկանց ձերբակալութիւնները եւ բնակչութեան բռնի տեղահանութիւնները: Հայրենիքից ստացուող լուրերը յուսահատեցրին դեռեւս 1895-ին Ամերիկայ արտագնայ աշխատանքի մեկնած արաբկիրցի երիտասարդութեանը՝ ոչնչացնելով տուն վերադարձի բոլոր յոյսերը: Եւ այսպէս աշխարհի տարբեր ծայրերում ձեւաւորուեցին արաբկիրցիների միութիւններ, որոնց նպատակը հայրենիքին աջակից լինելն էր: Թերթի ուսումնասիրութիւնը ցոյց տուեց, որ այն աւելին էր, քան ուղղակի իրազեկման ազդիւր: «Նոր Արաբկիր տեղեկատու»ն գաղութահայութեան ոգեշնչումի, համախմբուածութեան, հայրենիք սփիւռք միասնականութիւնը ապահովող մի շղթայ էր դարձել եւ ուղղիղ կապուած էր Խորհրդային Հայաստանում խմորուող հայրենադարձութեան գործընթացի հետ: Անցնելով տարիների

18 Արման Սահակեան, *Արաբկիր սանջակի հայ բնակչութեան թուաքանակը XIX դարի վերջին և XX դարի սկզբին*, Հայոց պատմութեան հարցեր, հտ. 9, Երևան, 2008, էջ 155:

19 Անդրանիկ Փոլատեան, *Պատմութիւն հայոց Արաբկիրի*, Նիւ Եորք, 1969, էջ 666:

20 Անդրանիկ Փոլատեան, *Աշխ.* էջ 701:

քննութիւնը՝ պարզ դարձաւ, որ տեղեկատուի ստեղծումը միութեան ազնիւ նպատակներից մեկն էր: Բոլորին հասկանալի, պարզ լեզուով, բայց որ ամենակարեւորն է անկողմնակալ տարներ շարունակ թերթը

գրեց, արձանագրեց պատմական իրողութիւնները, լուսաբանեց յայտնի ու անյայտ արարկիրցիներին, նիւթական ու հոգեւոր արժէքները՝ դառնալով միութեան հայրենանուէր գործի սպասարկողն ու խօսնակը: